



MARRËVESHJE PËR KRIJIMIN E SUBJEKTIT TË KOMPETENCAVE TË PËRBASHKËTA TË UJËSJELLËS KANALIZIMEVE

Kjo marrëveshje lidhet sot më datë 22.07.2022 ndërmjet:

Bashkisë Elbasan, përfaqësuar nga Kryetari i Bashkisë Z. Gledian Llatja,

Bashkisë Librazhd, përfaqësuar nga Kryetari i Bashkisë Z. Kastriot Curra,

Bashkisë Gramsh, përfaqësuar nga Kryetari i Bashkisë Z. Klodian Taç,

Bashkisë Cërrik, përfaqësuar nga Kryetari i Bashkisë Z. Andis Salla,

Bashkisë Belsh, përfaqësuar nga Kryetari i Bashkisë Z. Arif Tafani,

Bashkisë Peqin, përfaqësuar nga Kryetari i Bashkisë Z. Lorenc Tosku

dhe

Ministria e Infrastrukturës dhe Energjisë (këtu e më poshtë referuar si MIE) përfaqësuar nga
Ministrja e Infrastrukturës dhe Energjisë Znj. Belinda Balluku,

këtë e tutje referuar të gjitha si "Palët".

Meqënëse:

- Duke pasur parasysh reformën e ndërmarrë për përmirësimin e performancës së shoqërive të ujësjellës-kanalizimeve dhe të shërbimit të konsumatorëve;
- Duke qenë të ndërgjegjshëm për nevojën e përmirësimit të shërbimit të furnizimit me ujë dhe grumbullimin e trajtimin e ujërave të ndotura urbane;
- Duke marrë në konsideratë faktin që shoqëritë e ujësjellës-kanalizimeve Elbasan, Librazhd, Gramsh, Cërrik, Belsh dhe Peqin vazhdojnë të kenë nevojë për mbështetjen e autoriteteve qendrore për përmirësimin e administrimit të aseteve të saj, shëndoshjen e gjendjes së saj financiare dhe sigurimin e burimeve të financimit për investimet e nevojshme në zonat e tyre të shërbimit;
- Në mbështetje të VKM Nr.302 datë 11.05.2022 që autorizon MIE për hyrjen në një marrëveshje specifike me Bashkitë Elbasan, Librazhd, Gramsh, Cërrik, Belsh dhe Peqin

për krijimin e Subjektit të Kompetencave të Përbashkëta për kryerjen e veprimtarisë së furnizimit me ujë dhe largimin, grumbullimin dhe trajtimin e ujërave të ndotura në zonat e shërbimit që mbulojnë territorin administrativ të Bashkive Elbasan, Librazhd, Gramsh, Cërrik, Belsh dhe Peqin;

- Në mbështetje të Vendimit Nr. 78 datë 23.06.2022 të Këshillit Bashkiak Elbasan, Vendimit Nr. 58 datë 30.06.2022 të Këshillit Bashkiak Librazhd, Vendimit Nr. 46 datë 31.05.2022 të Këshillit Bashkiak Gramsh, Vendimit Nr. 46 datë 28.06.2022 të Këshillit Bashkiak Cërrik, Vendimit Nr. 15 datë 22.02.2022 të Këshillit Bashkiak Belsh dhe Vendimit Nr. 5 datë 25.02.2022 të Këshillit Bashkiak Peqin që autorizojnë Kryetarët e Bashkive Elbasan, Librazhd, Gramsh, Cërrik, Belsh dhe Peqin të hyjnë në një marrëveshje specifike me Ministrinë e Infrastrukturës dhe Enerjisë për krijimin e Subjektit të Kompetencave të Përbashkëta për kryerjen e veprimtarisë së furnizimit me ujë dhe largimin, grumbullimin dhe trajtimin e ujërave të ndotura në zonat e shërbimit që mbulojnë territorin administrativ të Bashkive Elbasan, Librazhd, Gramsh, Cërrik, Belsh dhe Peqin;

Palët bien dakort të hyjnë në një marrëveshje me kushtet dhe termat e mëposhtëm:

Neni 1
Baza Ligjore

1. Kjo marrëveshje lidhet në përputhje me:
 - a) Dispozitat e pikës 5 të nenit 14 të Ligjit Nr. 139/2015 “Për vetëqeverisjen vendore” të ndryshuar;
 - b) Ligjin Nr.9901, datë 14.04.2008 “Për tregtarët dhe shoqëritë tregtare” të ndryshuar;
 - c) Ligjin Nr. 92/2014, datë 24.07.2014 “Për tatimin mbi vlerën e shtuar në Republikën e Shqipërisë”;
 - d) VKM Nr. 302 datë 11.05.2022, “Për politika kombëtare për riorganizimin e sektorit të furnizimit me ujë dhe të largimit, trajtimit dhe përpunimit të ujërave të ndotura”.

Neni 2
Qëllimi i marrëveshjes

Kjo marrëveshje ka si qëllim krijimin e Subjektit të Kompetencave të Përbashkëta të Ujësjellës - Kanalizimeve (SKP-UK), i cili do të kryejë veprimtarinë e furnizimit me ujë dhe largimin, grumbullimin dhe trajtimin e ujërave të ndotura në zonat e shërbimit që mbulojnë territorin administrativ të Bashkive Elbasan, Librazhd, Gramsh, Cërrik, Belsh dhe Peqin të cilat janë palë e kësaj marrëveshjeje, pjesë e të cilës është edhe AKUM.

Neni 3
Forma dhe emri i Subjektit të Kompetencave të Përbashkëta

1. Palët bien dakort që Subjekti i Kompetencave të Përbashkëta të Ujësjellës Kanalizimeve do të jetë një shoqëri aksionare e kriuar SKP-UK, tek e cila do të transferohet tërësisht veprimtaria ekonomike e shoqërive ekzistuese të ujësjellës-kanalizimeve të cilat aktualisht janë në pronësi të Bashkive Elbasan, Librazhd, Gramsh, Cërrik, Belsh dhe Peqin.
2. Emri i Subjektit të Kompetencave të Përbashkëta i kriuar sipas kësaj marrëveshje do të jetë Shoqëria Rajonale Ujësjellës Kanalizime Elbasan sh.a.
- 3.
4. Shoqëria aksionare e kriuar sipas kësaj marrëveshje do të administrohet me dy nivele administrimi. Organet drejtuese të shoqërisë do të krijohen dhe kompozohen sipas dispozitave të ligjit Nr.9901 datë 14.04.2008 “Për tregtarët dhe shoqëritë tregtare” të ndryshuar.
5. Shoqëria do të ketë si statut të saj statutin tip të shoqërive të ujësjellës-kanalizimeve të miratuar nga Këshilli i Ministrave.

Neni 4
Objekti i SKPUK

1. Objekti i SKPUK-së është kryerja e veprimtarisë së furnizimit me ujë dhe largimin, grumbullimin dhe trajtimin e ujërave të ndotura në zonat e shërbimit që mbulojnë territoret administrative të Bashkive Elbasan, Librazhd, Gramsh, Cërrik, Belsh dhe Peqin në përputhje me legjisacionin e sektorit të furnizimit me ujë.
2. Shoqëria e re e kriuar mund të ngarkohet me detyrimin e mbledhjes së një ose më shumë taksave vendore për llogari të bashkive palë në këtë marrëveshje, nëse kjo kërcohë prej tyre.

Neni 5
A fati i SKPUK

Palët bien dakort që SKPUK i kriuar sipas kësaj marrëveshje të krijohet për një periudhe të pacaktuar.

Neni 6
Kontributi i Palëve

1. Kapitali fillestar për Shoqërinë Rajonale Ujësjellës Kanalizime Elbasan sh.a që do të themelohet do te jetë në masën 10.000.000 Leke. Në përputhje me parashikimet e Ligjit Nr. 9901 datë 14.04.2008, “Për tregtarët dhe shoqëritë tregtare”, të ndryshuar, me qëllim

themelimin dhe regjistrimin e shoqërive të reja SKP-UK, MIE do të likujdojë vlerën e 51% të aksioneve që do të përfitojnë.

2. Pjesëmarrja në përqindje në asamblenë e aksionerëve në shoqërinë e re ujësjellës-kanalizime (SKPUK) e Bashkive Elbasan, Librazhd, Gramsh, Cërrik, Belsh dhe Peqin, në pronësi të të cilave janë aktualisht shoqëritë ekzistuese të ujësjellës-kanalizimeve, është përllogaritur në përpjesëtim me numrin e abonentëve aktive që këto shoqëri kanë duke përfshirë edhe kontratat aktuale që administrohen nga vetë Bashkitë në momentin e nënshkrimit të marrëveshjes për krijimin e SKPUK, vlera totale e të cilave do të përbëjë 49% të aksioneve të shoqërisë se re dhe përbëhet në përqindje si vijon: Bashkia Elbasan 28.52%, Bashkia Librazhd 3.13%, Bashkia Gramsh 4.13%, Bashkia Cërrik 5.46%, Bashkia Belsh 4.42% dhe Bashkia Peqin 3.34%.
3. Pas themelimit të shoqërisë së re SKP-UK, Bashkitë Elbasan, Librazhd, Gramsh, Cërrik, Belsh dhe Peqin do të transferojnë tek SKP-UK të gjithë veprimtarinë e shoqërise të UK, që kryejnë aktualisht veprimtarinë e furnizimit me ujë dhe largimin, grumbullimin dhe trajtimin e ujërave të ndotura në territoret administrative respektive në përputhje me kërkuesat e Ligjit Nr. 92/2014 datë 24.07.2014 "Për tatimin mbi vlerën e shtuar në Republikën e Shqipërisë".
4. Në Bashkitë Elbasan, Librazhd, Gramsh, Cërrik, Belsh dhe Peqin ku ka njësi të shërbimit të furnizimit me ujë të pijshëm, grumbullimit, largimit dhe trajtimit të ujërave të ndotura, të cilat nuk kanë qenë të organizuara në formën e shoqërise aksionare të ujësjellës-kanalizimeve, bashkia, brenda datës 31 dhjetor 2022, është përgjegjëse për inventarizimin fizik, vlerësimin dhe transferimin e këtyre njësive të shërbimit në strukturën e aseteve dhe kontabilitetin e Shoqërisë Rajonale Ujësjelles Kanalizime Elbasan sh.a.
5. Pasi procesi i transferimit të ketë përfunduar, përcaktimi i vlerës nominale të 51% të aksioneve që do të zotërohen nga MIE, në Shoqërinë Rajonale UK Elbasan sh.a do të realizohet pasi vlera e saktë e aksioneve të përfituarë të përcaktohen në bazë të raportit që do të hartohej nga eksperti kontabël që do të caktohet gjatë procedurave të transferimit.
6. Aksioneret do të nënshkruajnë kontratë rritje kapitali që investimet e ardhshme dhe fitimi të kapitalizohen dhe të alokohen derisa të arrijnë përqindjen sipas kësaj marrëveshje.
7. Shlyerja e vlerës nominale të aksioneve që do të zotërohen nga MIE do të kryhet duke njojur investimet në proces të cilat janë financuar nga buxheti i shtetit dhe me anë të investimeve kapitale që qeveria do të ndërmarrë në vitet në vijim në Shoqërinë Rajonale UK Elbasan sh.a.
8. Në rastet kur vlera e investimit të parashikuar dhe marrë tashmë përsipër nga qeveria qendrore dhe të pasqyruar në tavanet buxhetore do të kalojë vlerën nominale të 51% të aksioneve, pasqyrimi i vlerës së tepricës nuk ndryshon masën e pjesëmarrjes në aksione të Shoqërisë Rajonale UK Elbasan sh.a.
9. Gjithashtu, si instrument për shlyerjen e vlerës nominale të aksioneve që do të zotërohen nga MIE, do të konsiderohet edhe shuarja me kompensim e vlerës së detyrimeve që shoqëritë UK Elbasan, Librazhd, Gramsh, Cërrik, Belsh dhe Peqin kanë në momentin e nënshkrimit të marrëveshjes për krijimin e SKP-UK, ndaj institucioneve qëndrore

buxhetore dhe jo buxhetore, deri në masën e pagimit të plotë të 51% të aksioneve të shoqërisë së re.

Neni 7
Procedurat e Transferimit

1. Përfaqësuesit ligjorë të shoqërive UK Elbasan sh.a, UK Librazhd sh.a, UK Gramsh sh.a, UK Cërrik sh.a, UK Belsh sh.a dhe UK Peqin sh.a me propozimin dhe mbështetjen e Agjencisë Kombëtare të Ujësjellës-Kanalizimeve dhe Infrastrukturës së Mbetjeve (AKUM), do të caktojnë ekspertë të pavarur për të vlerësuar dhe asistuar në mënyrë të përbashkët për të gjitha shoqëritë, gjatë procedurave të transferimit të veprimtarisë për tek shoqëria e re SKP-UK.
2. Bilanci i transferimit të konsiderohet bilanci i datës 31.12.2021.
3. Data e transferimit efektiv, në të cilën aktivitetet do të konsiderohen të kryera nga Shoqeria Rajonale UK Elbasan sh.a do të jetë dita e 45-të nga njoftimi i Drejtorisë Tatimore.
4. Veprimtaritë e UK në periudhën nga data e bilancit të transferimit deri në datën e transferimit efektiv do të sjellë si pasojë ndryshimin e balancave të transferimit, të cilat do të rregullohen me efekt në tepricën e transferimit që do të njihet. Pasqyrat financiare do të hartohen në datën e transferimit efektiv dhe përkthim mund të përgatitet një raport i posacëm për të identifikuar diferenca dhe rregullimin e tyre.
5. Të gjitha shpenzimet e nevojshme për kryerjen e procedurës së themelimit të Shoqërisë Rajonale UK Elbasan sh.a, shpenzimet e nevojshme për caktimin e eksperteve si dhe shpenzimeve të transferimit të plotë të veprimtarisë tek shoqëria e re SKP-UK do të përballohen nga buxheti i shtetit. Vlera e shpenzimeve të mësipërme si dhe vlera e shpenzimeve fillostarte që do t'i akordohet shoqërisë Rajonale UK Elbasan sh.a do të përllogaritet si kontribut në shlyerjen e vlerës nominale të aksioneve të përfshira nga MIE.
6. Shpenzimet për likuidimin e shoqërive transferuese do të përballohen nga shoqëria e re SKP-UK.

Neni 8
Prishja e marrëveshjes në mënyrë të njëanshme

1. Asnjë nga palët nuk mund të prishë këtë marrëveshje në mënyrë të njëanshme pa kaluar 10 vjet nga krijimi i SKPUK-së.
2. Pas kalimit të afatit 10-vjeçar të përcaktuar në pikën 1, Ministria e Infrastrukturës dhe Energjisë në çdo kohë mund të vendosë tërheqjen e njëanshme nga kjo marrëveshje duke i transferuar aksionet e saj në shoqërinë e krijuar sipas kësaj marrëveshje tek Bashkitë Elbasan, Librazhd, Gramsh, Cërrik, Belsh dhe Peqin proporcionalisht me përqindjen e aksioneve të tyre në shoqëri.
3. Nëse një nga Bashkitë Elbasan, Librazhd, Gramsh, Cërrik, Belsh dhe Peqin kërkon prishjen e njëanshme të kësaj marrëveshje pas kalimit të afatit 10-vjeçar, bashkia duhet të ndërmarrë

hapat e kërkuara në përputhje me dispozitat e ligjit Nr.9901 datë 14.04.2008 “Për tregtarët dhe shoqëritë tregtare” të ndryshuar.

4. Nëse një nga bashkitë vendos të prishë në mënyrë të njëanshme marrëveshjen, sipas pikës "3", ajo është e detyruar që për vitin buxhetor pasardhës të mbulojë të gjitha investimet apo detyrimet e tjera financiare përfshirë masat e miratuara në biznesplanin e shqërisë së ujësjellës-kanalizimeve.

Neni 9

Zgjidhja e mosmarrëveshjeve

Çdo mosmarrëveshje që do të lindë gjatë zbatimit të kësaj marrëveshje, palët do të përpiken ta zgjidhin me mirëkuptim, në të kundërt secila nga palët mund t'i drejtohet për zgjidhjen e saj Gjykatës Administrative të Shkallës së Parë Tiranë.

Neni 10 Të tjera

Gjatë gjithë periudhës tranzitore të transferimit, Shoqëritë e Ujësjellës Kanalizimeve do të pezullojnë të gjitha planet e investimeve dhe procedurat e prokurimit që kanë aktualisht në proces, përvèç mirëmbajtjeve të domosdoshme për ushtrimin e veprimtarisë.

Neni 11

Kjo marrëveshje hyn në fuqi pasi është nënshkruar rregullisht nga palët dhe është marrë shprehja e ligjshmërisë së marrëveshjes nga ana e Prefektit/Prefektëve sipas kërkesave të nenit 14 të Ligjit Nr. 139/2015 "Për veleqeverisjen vendore" të ndryshuar.

Kryetari i Bashkisë ~~Plumb~~

Kryetari i Bashkisë Librazhd

Kreyali i Bashkisë Gramsh

Kryetari i Bashkise Cëtruk

Kryetari i Bashkisë Peqin

Kryetari i Bashkisë Belsh

Ministria e Infrastrukturës dhe Energjisë